



INATSISARTUNI

Partii Inuit
Randi Broberg

UPA 2014/30-1
13.5.2014

PILLUGU: Danmarkimi kalaallit ilinniartut atugassaannik kollegie-nik sanaartornissaq siunertaralugu Naalakkersuisut suliassamik aallartitseqqullugit peqquneqarnissaannik Inatsisartut aalajangiiffigisassaattut siunnersuut.

(Siumup Atassutillu Inatsisartunut ilaasortai)

Siunnersuutikkut ujartorneqarpoq, Naalakkersuisut peqquneqassasut Nunatsinniit DK’imi ilinniartut najugaqarfiinik sanaartortoqarnissaanut atasumik pilersaarusoqqullugit.

Naalakkersuisut akissuteqaatiminni erseqqissarpaat, DK’imut ilinniariartut inissarsiortarnerminni akimmiffigisartagaat ataatsimut isigalugit annertunngitsuusut – tassa amerlanertigut pilertortumik DK’imi ilinniartutut inissarsinnaasartut.

Naalakkersuisut nangillutik akissuteqaamminni ilisimatitsissutigaat, Nunatsinni ilinniartut ukiumut 200 missaannik amerlassusillit immikkut ittumik aaqqiissuteqarfigisariaqartartut – tassa nalinginnaasumik inissiat attartukkat ilinniartunut najugaqarfittut atornerisigut.

Taamalu sapinngisamik pitsaasumik tunngaveqarluni siunissami apeqqummi pineqartumi aaliangersinnaanissamut, pilersaarusiornissamut aningaasanik immikkoortitsisoqarnissaa ammaffigigitsik.

Partii Inuit siunnersuummut pineqartumut ima oqaaseqassaagut:

Siullertut oqaatigissavarput, maluginiaratsigu Naalakkersuisut akissuteqaataanni ersersinneqarmat, DK’imi ilinniartut najugassarsiortarneri immikkut ittumik ajornartorsiutaanngitsiq.

Taamalu Naalakkersuisut akissuteqaatiminni suliassamik tulleriarnerminni, Nunatsinni ilinniartunut najugaqarfiliortarnerit pingaarnertut isigigaat – ilaatigut aamma suliffissaqartitsiniarnermut attuumassuteqarmat.

Aappaasaattut Partii Inuit eqqaanngitsoorusunngilarput, naalakkersuinikkut ilinniartitaanermik ullumikkut sukaterinerup nassatarimmagu, DK’imut ilinniariartut 100’rujuugaangata 70 missaat Nunatsinnut uteqqinneq ajortut.

Tassunga atasumik Partii Inuit Naalakkersuisunut apeqqutigissavarput, DK’imut ilinniariartarneri ataatsimut isigalugu qanoq naleqarnerisigut. Tassuunakkut aningaasat siunertaqanngitsumik aningaasat atukkagut qanoq amerlatiginersut takusinnaanngorumallutigu.



INATSISARTUNI

Qaffasinnerusumik ilinniartitaanerup sukatigaanera, qanoq naleqarnera, qanoq sutigullu pissarsiviunera / pissarsiviunnginnera, allatut qanoq uagutsinnut pissarsiviunerusumik aaqqissuussisoqarsinnaanera sukumiisumik nalilersuivigissallugu pisariaqarluinnartoq Partii Inuit qularutiginnngilarput.

Partii Inuit Isumaqarpugut siunnersuutip akuerineragut, ilinniartitaanerup iluani naalackersuinikkut annertunerusumik siunertaqarata nalilersuinatalu ingerlatsinerput nangeqqiinnarneqassasoq.

Taamaattumik Partii Inuit pissusissamisoortinngilarput, siunnersuut akuerseqataaffigissallutigu.

Pingaarnertupparput ilinniartitaaneq qanoq sukatigaasoq angorusunnerlutigu erseqqissaavigeqqaassallugu. Tamanna erseqqissaaneq pereerpat, DK'imi ilinniartut najugaqarfissaannik sanaartorneq uterfigeqqinneqarsinnaassammat.

Partii Inuit taama oqaaseqarluta qujavugut.